

欽定四庫全書薈要

史部

故事類

吉林出版集團有限責任公司
海天出版社

目次

書名	卷次	頁次	作者
文獻通考	卷三〇九—卷三四八		宋・馬端臨撰
詩異	二三五—一		
卷三一〇 訛言 服妖 射妖	二三五—一五		
卷三一〇 毛蟲之異 麒麟 馬異 牛禍	二三五—三六		
卷三一二 豕禍 羊禍 犬異 下體生上之疴 羽蟲之異	二三五—五〇		
卷三一二 鳳凰 鷄禍 龍蛇之異 魚異	二三五—六九		
卷三一二 龜異 蟲異 蝗蟲 螟 鼠妖	二三五—八八		
卷三一五	二三五—一〇七		

書名	卷次	頁次	作者
興地考 總叙 卷三一六 古冀州 卷三一七 古兖州 古青州 古徐州 卷三一八 古揚州 卷三一九 古荊州 卷三二〇 古豫州 卷三二一 古梁州 卷三二二 古雍州 卷三二三 古南越 卷三二四		二三五—一二五 二三五—一五四 二三五—一七四 二三五—一九七 二三五—二二一 二三五—二二六 二三五—二四九 二三五—二七七 二三五—二九六	

書名	卷次	頁次	作者
四裔考 東 東夷總序 朝鮮 濊 馬韓 辰韓 弁辰 夫餘 倭			
卷三二五 高句麗		二三五—三一六	
卷三二六 豆莫婁 百濟 新羅 沃沮 挹婁 勿吉 渤海 蝦夷		二三五—三三六	
卷三二七 扶桑 女國 文身 大漢 侏儒國 長人 國 琉球 女真 定安		二三五—三五〇	
卷三二八 南 盤瓠種 廩君種 板楯蠻 南平蠻 東謝 西趙 牂牁 充州 獠		二三五—三六一	
卷三二九 夜郎國 滇 邛都 笮都 冉駹 附國 哀牢 南詔		二三五—三七九	
卷三三〇		二三五—三九五	

書名

卷

次

頁

次

作

者

驃國 西原蠻 焦僊國 揮國 兩爨蠻
松外諸蠻 尾濮 木綿濮 文面濮 折腰
濮 赤口濮 黑焚濮 交趾

卷三三一

南丹州蠻 撫水蠻 黎峒 海南序略 黃
支 哥羅 林邑 扶南 頓遜 毗騫 干
陀利 狼牙修國 婆利國 槃槃 赤土國

卷三三二

真臘 羅刹 投和 閭婆 阿羅陀 呵羅
單 婆皇 婆達 丹丹 邊斗 杜薄 薄
利 敦焚 火山 無論 婆登 烏篤 訶
陵 多蔑 多摩長 哥羅舍分 占城 三
佛齊 勃泥 註輦 州眉流 蒲甘 南毗
層檀

卷三三三

西 羌無弋 姚氏 湟中月氏胡 氏 苻
氏

卷三三四

葱朮羌 吐谷渾 乙弗敵 宕昌 鄧至
黨項 白蘭 吐蕃

二三五—四一七

二三五—四三五

二三五—四五六

二三五—四七四

書名

卷次

頁次

作者

卷三三五

吐蕃 大羊同 悉立 章求拔 泥婆羅
大勃律 箇失密 骨咄 蘇毗 沙州 西
夏

卷三三六

西域總序 樓蘭 且末 扞彌 車師前后
王 龜茲 且彌 焉耆

卷三三七

于闐 疎勒 烏孫 姑墨 温宿 烏秣
難兜 大宛 莎車 罽賓 吐呼羅 拔豆
謝颺 識匿 烏弋山離 條支 安息

卷三三八

大夏 大月氏 小月氏 康居 鉞汗米國
烏那遏國 穆國 曹國 何國 史國
奄蔡 滑國 曰題 嚙唃 鉢和 波知
除彌 烏菴 乾陀 挹怛同 天竺 摩揭
它 車離 獅子國 高附

卷三三九

大秦 小人 軒渠 三童 澤散 驢分
堅昆 呼得 丁令 短人 波斯

二三五—四九五

二三五—五〇六

二三五—五二三

二三五—五四〇

二三五—五五七

書名	卷次	頁次	作者
悅般 伏盧尼 朱俱波 渴槃陀 粟弋 阿鈎羌 副貨 疊伏羅 石國 東女 西 女 吐火羅 劫國 陀羅伊羅 越底延 大食 拂菻 邈黎 卷三四〇 吐 匈奴 卷三四一 匈奴 劉淵 石勒 沮渠 赫連 卷三四二 烏桓 鮮卑 軻比能 乞伏 禿髮 宇文 莫槐 徒河段 慕容氏 托跋氏 蠕蠕 高車 稽胡 卷三四三 突厥上 突厥中 卷三四四 突厥下 鐵勒 薛延陁 僕骨 同羅 都 波 拔野古 多濫葛 斛薛 阿跋 契苾 羽 鞠國 俞拏 大漠 白霫 庫莫奚 卷三四五		二三五—五七三 二三五—五九〇 二三五—六〇九 二三五—六二三 二三五—六四二 二三五—六五六	

書名	卷次	頁次	作者
契丹上 卷三四六 契丹中 契丹下 卷三四七 室韋 地豆于 烏洛侯 驅度寐 霫 拔 悉彌 流鬼 回紇 卷三四八 沙陀 骨利幹 黠戛斯 僕骨 葛邏祿 駁馬 鬼國 鹽漠念		二三五—六七〇 二三五—六九二 二三五—七〇五	

欽定四庫全書薈要

史部
文獻通考卷三百十九

詳校官員外郎臣潘紹觀

欽定四庫全書薈要卷九千六百三十一 史部

文獻通考卷三百九

鄱陽馬端臨貴與著

異考十五

詩異

春秋左氏傳晉獻公時童謡曰丙之晨龍尾伏辰衿服

振振取號之旂師古曰徒歌曰謡衿服黑衣振振衿服之貌也衿音均又音弋春反振只人反

鷄之賁賁天策焯焯火中成軍號公其奔師古曰奔音奔焯音吐敦

欽定四庫全書

文獻通考卷三百九

反又音敦是時號為小國介夏陽之阬怙虞國之助師古奔字

曰介亢衡於晉有炕陽之節失臣下之心晉獻伐之問

於卜偃曰吾其濟乎師古曰卜偃晉大夫主卜者偃以童謡對曰克

之十月朔丙子旦日在尾月在策鷄火中必此時也冬

十二月丙子朔晉師滅虢號公醜犇周周十二月夏十

月也言天者以夏正 史記晉惠公時童謡曰恭太子

更葬兮後十四年晉亦不昌昌迺在其兄是時惠公賴

秦力而立立而背秦內殺二大夫師古曰謂里克丕鄭國人不說

師古曰說讀曰悅及更葬其兄恭太子申生而不敬故詩妖作

也後與秦戰為秦所獲立十四年而死晉人絕之更立

其兄重耳是為文公遂伯諸侯師古曰伯讀曰霸左氏傳文

武之世童謡曰鸛之鵒之公出辱之師古曰鸛音鵒音欲鸛鵒

之羽公在外野往饋之馬師古曰饋亦餽字鸛鵒跣跣公在乾

侯臣瓚曰乾侯在魏郡斥丘縣師古曰跣跣跣跣也言公出跣音誅乾音干徵褰與襦師古曰徵求也

外求袴襦之服鸛鵒之巢遠哉搖搖師古曰搖搖不安之貌稠父

喪勞宋父以驕師古曰父讀曰甫甫者男子之通號故云稠甫宋甫也言昭公欲去李氏不遂

欽定四庫全書 文獻通考 卷三百九

而出故曰喪勞定公無德鸛鵒鸛鵒往歌來哭師古曰謂昭公

於下生致君位故曰以驕鸛鵒鸛鵒往歌來哭謂昭公

生時出奔死至昭公時有鸛鵒來巢公攻季氏敗出奔

乃以喪歸之齊居外野次乾侯八年死于外歸葬魯昭公名裯公子

宋立是為定公

漢元帝時童謡曰井水溢滅竈煙灌玉堂流金門至成

帝建始二年三月戊子北宮中井泉稍上溢出南流象

春秋時先有鸛鵒之謡而後有來巢之驗井水陰也竈煙陽也玉堂金門至尊之居象陰盛而滅陽竊有宮室

之應也王莽生於元帝初元四年至成帝封侯為三公

輔政因以篡位成帝時童謡曰燕燕尾涎涎師古曰涎涎光

澤貌音徒見反張公子時相見木門倉琅根燕飛來啄皇孫皇

孫死燕啄矢其後帝為微行出遊常與富平侯張放俱

稱富平侯家人過河陽主作樂見舞者趙飛燕而幸之

故曰燕燕尾涎涎美好貌也張公子謂富平侯也木門

倉琅根謂宮銅餗師古曰門之鋪首及銅餗也銅色青故曰倉琅鋪首銜餗故謂之根餗讀

與環言將尊貴也後遂立為皇后弟昭儀賊害後宮皇

子卒皆伏辜所謂燕飛來啄皇孫皇孫死燕啄矢者也

成帝時歌謡又曰邪徑敗良田讒口亂善人桂樹華

不實黃爵巢其顛古為人所羨今為人所憐桂赤色漢

家象華不實無繼嗣也王莽自謂黃象黃爵巢其顛也

王莽末天水童謡曰出吳門望緹羣見一蹇人言欲

上天今天可上地上安得民時隗囂初起兵於天水

後意稍廣欲為天子遂破滅囂少病蹇吳門冀郭門

名也緹羣山名也

名也緹羣山名也

後漢更始時南陽有童謠曰諧不諧在赤眉得不得在河北是時更始在長安世祖為大司馬平定河北後更始為赤眉所殺世祖自河北興世祖建武元年帝先在長安時同舍生彊華自關中奉赤伏符曰劉秀發兵捕不道四夷雲集龍闕野四七之際火為主四七二十年自高祖至光武初起合二百二十八年即羣臣奏以為受命四七之際也漢火德故火為主也

欽定四庫全書

文獻通考
卷三百九

四

郾改郾為高邑建武六年蜀有童謠曰黃牛白腹五銖當復是時公孫述僭號於蜀時人竊言王莽稱黃述欲繼之故稱白五銖漢家貨明當復也述遂誅滅順帝之末京都童謠曰直如弦死道邊曲如鉤反封侯按順帝即世孝質短祚大將軍梁冀貪樹疏幼久專國柄太尉李固以清河王年長有德欲立之冀白太后策免固而立桓帝固是月幽斃於獄暴尸道路而胡廣趙戒袁湯俱封侯云桓帝初天下童謠曰小麥青青大麥枯誰當獲者婦與姑丈夫何在西擊胡吏買馬君具車

請為諸君鼓隴胡按元嘉中涼州諸羌俱反大為民害命將出衆每戰常負中國益發甲卒麥多委棄但有婦女收獲吏買馬君具車者言調發重及有秩者也請為諸君鼓隴胡者不敢公言私咽語桓帝之初京都童謠曰城上烏尾畢逋父為吏子為徒一徒死百乘車車班班入河間河間姪女工數錢以錢為室金為堂石上慊慊春黃梁梁下有懸鼓我欲擊之丞卿怒按此皆謂為政貪也城上烏尾畢逋者處高利獨食不與下共謂

欽定四庫全書

文獻通考
卷三百九

五

人主多聚斂也父為吏子為徒者言蠻夷將畔逆父既為軍吏其子又為卒徒往擊之也一徒死百乘車者言前一人往討胡既死矣後又遣百乘車往臣昭曰志家此釋豈未盡乎往徒一死何用百乘其後驗意為靈帝作此言一徒似斥桓帝帝貴任羣閣參委機政左右前後莫非刑人有同囚徒之長故言寄一徒也且又弟則廢黜身無嗣魁然單獨非一而何百乘車者乃國之君解憤後徵王膺斯數繼以班車班班入河間者言上將崩乘輿班班班尤得以類焉車班班入河間者言上將崩乘輿班班入河間迎靈帝也應劭釋此句云微靈帝者輪班擁節入河間也河間姪女工數錢一本作妖女以錢為室金為堂者靈帝既立其母永樂

太后好聚金以為堂也石上慊慊春黃梁者言永樂雖積金錢慊慊常苦不足使人春黃梁而食之梁下有懸鼓我欲擊之丞卿怒者言永樂主教靈帝使賣官受錢所祿非其人天下忠篤之士怨望欲擊懸鼓以求見丞卿主鼓者亦復諂順怒而止我也 桓帝之初京都童謡曰游平賣印自有平不辟豪賢及大姓按到延熹之末鄧皇后以譴自殺乃以竇貴人代之其父名武字游平拜城門校尉及太后攝政為大將軍與太傅陳蕃合

欽定四庫全書

文獻通考 卷三百九

六

心戮力惟德是建印綬所加咸得其人豪賢大姓皆絕望矣 桓帝之末京都童謡曰茅田一項中有井四方纖纖不可整嚼復嚼今年尚可後年饒風俗通作饒按易曰拔茅茹以其彙征吉茅喻羣賢也井者法也時中常侍管霸等專作威福禁錮黨人茅田一項者言羣賢衆多也中有井者言雖阨窮不失法度也四方纖纖不可整者言姦慝大熾不可整理嚼復嚼者京都飲酒相強之辭言肉食者鄙不恤王政徒耽宴飲歌呼而已也今年

尚可言但禁錮後年饒者陳竇被誅天下大壞 桓帝之末京都童謡曰白蓋小車何延延河間來合諧河間來合諧按解犢亭屬饒陽河間縣居無幾桓帝崩使者與解犢侯皆白蓋車從河間來延延衆貌也 靈帝之末京都童謡曰侯非侯王非王千乘萬騎上北芒按到中平六年史侯登躡至尊獻帝未有爵號為中常侍段珪等數十人所執公卿百官皆隨其後到河上乃得來還此為非侯非王上北芒者也英雄記曰京都謡歌咸言河臘叢進獻帝臘月

欽定四庫全書

文獻通考 卷三百九

七

生也風俗通曰烏臘烏臘按逆臣董卓滔天虐民窮凶極惡關東舉兵欲共誅之轉相顧望莫肯先進處處停兵數十萬若烏臘蟲相隨橫取之矣 靈帝中平中京都歌曰承樂世董逃遊四郭董逃蒙天恩董逃帶金紫董逃行謝恩董逃整車騎董逃垂欲發董逃與中辭董逃出西門董逃瞻宮殿董逃望京城董逃日夜絕董逃心摧傷董逃楊孚卓傳曰卓改按董謂董卓也言雖跋扈縱其殘暴終歸逃竄至於滅族也風俗通曰卓以董逃之歌主為已發大禁絕之死者千數靈帝之末禮樂崩壞貴刑失中毀譽無驗競飾偽服以盡典制遠近翕然咸名後生放聲者為時人有識者竊言舊曰世人次曰俗人今

更曰時人此天促其期也
其間無幾天下大壞也

獻帝踐祚之初京都童謡

曰千里草何青青十日卜不得生按千里草為董十日

卜為卓凡別字之體皆從上起左右離合無有從下發

端者也今二字如此者天意若曰卓自下摩上以臣陵

君也青青者暴盛之貌也不得生者亦旋破亡

獻帝初童謡曰

燕南垂趙北際中央不合大如礪唯有此中可避世公

孫瓚以為易地當之遂徙鎮焉乃修城積穀以待天下

之變建安二年袁紹攻瓚大敗縊其姊妹妻子引火自

焚紹兵趣登臺斬之初瓚破黃巾殺劉虞乘勝南下侵

據齊地雄威大振而不能開廓遠圖欲以堅

建安初

城觀時坐聽圍殲斯亦自易地而去世也

荆州童謡曰八九年間始欲衰至十三年無子遺言自

中興以來荆州無破亂及劉表為牧又豐樂至此逮八

九年當始衰者謂劉表妻當死諸將並零落也十三年

無子遺言十三年表又當死民當移諸冀州也

干寶搜神記曰

是時華容有女子忽啼呼云有大喪言語過差縣以為

妖言繫獄百餘日忽於獄中哭曰劉荆州今日死華容

去州數日即遣馬吏驗視表果死縣乃出之續又歌吟

曰不意李立為貴人後無幾曹公平荆州以涿郡李立

字建賢為荆州刺史

魏明帝太和中京師歌兇鈴曹子其唱曰其奈汝曹何

欽定四庫全書

文獻通考

八

欽定四庫全書

文獻通考

九

此詩妖也其後曹爽見誅曹氏遂衰 景初初童謡曰

阿公阿公駕馬車不意阿公東渡河阿公來還當奈何

及宣帝遼東歸至白屋當還鎮長安會帝疾篤急召之

乃乘追鋒車東渡河終如童謡之言 齊王嘉平中有

謡曰白馬素羈西南馳其誰乘者朱虎騎朱虎者楚王

小字也王凌令狐愚聞此謡謀立彪事發凌等伏誅彪

賜死

吳孫亮初童謡曰吁汝恪何若若蘆葦單衣篋鉤絡於

何相求常子閣常子閣者反語石子垺也鉤絡鉤帶也

及諸葛恪死果以葦席裹身篋束其腰投石子垺後聽

恪故吏收斂求之此垺云 孫亮初公安有白鼃

徒何反

鳴童謡曰白鼃鳴龜背平南郡城中可長生守死不去

義無成南郡城可長生者有急易以逃也明年諸葛恪

敗弟融鎮公安亦見襲融刮

古利反

有鱗介甲兵之象又白祥也 孫休永安二年將守質

子羣聚嬉戲有異小兒忽來言曰三公鋤司馬如又曰

我非人癸惑星也言畢上昇仰視若曳一足練有頃沒
千寶曰後四年而蜀亡六年而魏廢二十一年而吳平
於是九服歸晉魏與吳蜀並戰國三公鋤司馬如之謂
也 孫皓遣使者祭石印山下妖祠使者因以丹書巖
曰楚九州渚吳九州都揚州士作天子四世治太平矣
皓聞之意益張曰從太皇帝至朕四世太平之主非朕
復誰恣虐踰甚尋以降亡近詩妖也 孫皓天紀中童
謡曰阿童復阿童銜刀遊渡江不畏岸上獸但畏水中
龍武帝聞之加王濬龍驤將軍及征吳江西衆軍無過
者而王濬先定秣陵

欽定四庫全書

文獻通考
卷三百九

十

晉武帝太康元年平吳後江南童謡曰局縮肉數橫目
中國當敗吳當復又曰宮門柱且莫朽吳當復在三十
年後又曰雞鳴不拊音撫翼吳復不用力於是吳人皆謂
在孫氏子孫故竊發為亂者相繼按橫目者四字自吳
已至元帝興幾四十年元帝興於江東皆如童謡之言
焉元帝儒乃亂反本作儒而少斷局縮肉者有所斥也 太康

末京洛為折楊柳之歌其曲始有兵革苦辛之辭終以
擒獲斬截之事是時三楊貴盛而被族滅太后廢黜幽
死中宮折楊柳之應也 惠帝永熙中河內溫縣有人
如狂造書曰光光文長大戟為牆毒藥雖行戟還自傷
又曰兩火沒地哀哉秋蘭歸形街郵終為人歎及楊駿
居內府以戟為衛死時又為戟所害傷楊后被廢賈后
絕其膳八日而崩葬街郵亭北百姓哀之也兩火武帝
諱蘭楊后字也其時又有童謡曰二月末三月初荆筆
楊板行詔書宮中大馬幾作驢此時楊駿專權楚王用
事故言荆筆楊板二人不誅則君臣禮悖故云幾作驢

欽定四庫全書

文獻通考
卷三百九

十

元康中京洛童謡曰南風起吹白沙遙望魯國何嵯
峨昨何反五歌反千歲髑髏獨妻反生齒牙又曰城東馬子莫
龍盧紅反啣音比至來年纏汝髮南風賈后字也白晉行
也沙門太子小名也魯賈謚國也言賈后將與謚為亂
以危太子而趙王因釁咀慈呂反嚼在爵反豪賢以成篡奪
不得其死之應也 元康中天下商農通著大郵諸良反

日時童謡曰屠

音蘇

鄣日覆兩耳當見瞎

許轄反

兒作天

子及趙王倫篡位其目實眇焉趙王倫既篡洛中童謡

曰獸從北來鼻頭汗龍從南來登城看水從西來河灌

灌數月而齊王成都河間義兵同會誅倫按成都西藩

而在鄴故曰獸從北來齊東藩而在許故曰龍從南來

河間水源而在關中故曰水從西來齊留輔政居於宮

西又有無君心故言登城看也 泰安中童謡曰五馬

遊渡江一馬化為龍後中原大亂宗藩多絕唯琅邪汝

欽定四庫全書

文獻通考
卷三百九

十三

南西陽南頓彭城同至江東而元帝嗣統矣司馬越還

洛有童謡曰洛中大鼠長尺二若不早去大狗至及苟

晞將破汲桑又謡曰元超兄弟大落度上桑打樵為苟

作由是越惡晞奪其兗州隙難遂構焉 愍帝初有童

謡曰天子何在豆田中至建興四年帝降劉曜在城東

豆田壁中 建興中江南謡歌曰

呼宏反

如白坑破合

集持作

音武

揚州破換敗吳興覆

音部

甄

盧斗反

按白者

晉行坑器有口屬瓮瓦瓮質剛亦金之類也旬如白坑

破者言二都傾覆王室大壞也合集持作甄者元帝鳩

集遺餘以主社稷未能克復中原但偏王江南故其諭

也及石頭之事六軍大潰兵人抄掠京邑爰及二宮其

後三年錢鳳復攻京邑阻水而守相持月餘日焚燒城

邑并堙

音因

木刊矣鳳等敗退沈充將其黨還吳興官軍

踵之蹈藉郡縣充父子授首黨與誅者以百數所謂揚

州破換敗吳興覆甄甄甄甄瓦器又小於甄也 明帝

太寧初童謡曰惻惻力力放馬山側大馬死小馬餓高

欽定四庫全書

文獻通考
卷三百九

十三

山崩石自破及明帝崩成帝幼為蘇峻所逼遷於石頭

御膳不足此大馬死小馬餓也高山峻也又言峻尋死

石峻弟蘇石也峻死後石據石頭尋為諸公所破復是

崩山石破之應也

成帝之末又有童謡曰

苦孟反

隆隆駕車入梓宮少日而宮車晏駕 咸康二年十

二月河北謡云麥入土殺石武後如謡言

庾亮初鎮武昌出至石頭百姓於岸上歌曰庾公上

武昌翩翩如飛鳥庾公還揚州白馬牽旒旒又曰庾

公初上時翩翩如飛鳥庾公還揚州白馬牽旒蘇後連徵不入及薨於鎮以喪還都葬皆如謠言

穆帝升平中童兒輩忽歌於道曰阿子聞曲終輒云阿子汝聞不無幾而帝崩太后哭之曰阿子汝聞不升平末俗間忽作廉歌有扈謙者聞之曰廉者臨也歌云白門廉宮庭廉內外悉臨國家其大諱乎少時而穆帝晏駕哀帝隆和初童謡曰升平不滿斗隆和那得久桓公入石頭陛下徒跣走朝廷聞而惡之改年曰興寧

欽定四庫全書

文獻通考
卷三百九

十五

人復歌曰雖復改興寧亦復無聊生哀帝尋崩升平五年而穆帝崩不滿斗升平不至十年也海西公太和
中百姓歌曰青青御路楊白馬紫遊韁汝非皇太子那得甘露漿識者曰白者金行馬者國族紫為奪正之色明以紫間朱也海西公尋廢其三子並非海西公之子
縊一賜反以馬韁君良反死之明日南方獻甘露焉太和末童謡曰犂牛耕御路白門種小麥及海西公被廢百姓耕其門以種小麥遂如謡言海西公初生皇子百

姓歌云鳳凰生一雛天下莫不喜本言是馬駒今定成龍子其歌甚美其旨甚微海西公不男使左右向龍與內侍接生子以為己子

桓石民為荊州鎮上明百姓忽歌曰黃曇音子曲中又曰黃曇英揚州大佛來上明頃之而桓石民死王忱氏林反為荊州黃曇子乃是王忱字也忱小字佛大是大佛來上明也

孝武帝太元末京口謡曰黃雌雞莫作雄父啼一旦去

欽定四庫全書

文獻通考
卷三百九

十五

毛衣衣被拉颯上盧合反下蘇合反而王恭起兵誅王國寶旋為劉牢之所敗故言拉颯也

會稽王道子於東府造土山名曰靈秀山無幾而孫恩作亂再踐會稽會稽道子所封靈秀恩之字也

庾楷鎮歷陽百姓歌曰重羅黎重羅黎使君南上無還時後楷南奔殷仲堪在荊州童謡曰芒籠目繩縛腹殷當敗桓當復未幾而仲堪敗桓玄遂有荊州王恭鎮京口舉兵誅王國寶百姓謡云昔年食白飯